

GJYKATA E LARTË PËR KUNDËRVAJTJE NË PRISHTINË, në kolegjin e përbërë nga gjyqtarët: Dalip Bega kryetar, Mejreme Zekaj dhe Ramiz Kuqi anëtarë, me pjesëmarrjen e sek. juridike Zymrije Çunaku, duke vendosur sipas ankesës të paraqitur nga Agjencia Kundër Korrupsionit në Prishtinë, kundër aktvendimit të Gjykatës Komunale për Kundërvajtje në Prishtinë, Nr.regj.14841/12, datë 31.10.2012, në bazë të nenit 39,219 dhe 220 të Ligjit mbi Kundërvajtjet, më 12.12.2012 merr

AKTVENDIM

REFUZOHET ankesa e paraqitur si e **PABAZUAR**.

VËRTETOHET aktvendimi i atakuar si i drejtë dhe i bazuar në Ligj.

Nga një kopje të këtij aktvendimi duhet dorëzuar palëve.

REPUBLICA E KOSOVES AGJENCIA KUNDËR KORRUPSIONIT AGENCIJA PROTIV KORUPCIJE ANTI-CORRUPTION AGENCY			
Lidhje Dok. / Dop.	DPK/DMP	No. Prot. BRP or Prot. No.	03-4579/12
No. i llog. Bilance	02	Udhim Data	21.12.2012

Arsyetim

Gjykata Komunale për Kundërvajtje në Prishtinë, sipas aktvendimit Nr.regj.14841/12, datë 31.10.2012, të pandehurën Flora Brovina nga Prishtina, e ka shpallur përgjegjëse sepse si Zyrtarë i Lartë Publik, Deputete në Parlamentin e Kosovës, nuk e ka bërë deklarin e rregullt të gjendjes së pasurisë në Agjencinë Kundër Korrupsionit, brenda afatit ligjor më 31.03.2012, me çka ka kryer kundërvajtje nga neni 5.6 paragrafi 1.2 dhe neni 8 paragrafi 1 dhe 2 ndëshkuar me nenin 17 parag. 1.1 të Ligjit për Deklarimin, Prejardhjen dhe Kontrollin e Pasurisë dhe të Zyrtarëve të Lartë Publik, dhe i ka shqiptuar masën e QORTIMIT.

Kundër këtij aktvendimi Agjencia Kundër Korrupsionit në Prishtinë, ka paraqitur ankesë për shkak të:

-vendimit mbi dënimin.

Në arsyetim të ankesë përpos tjerash thekson se gjykata e shkallës së parë duke u bazuar në nenin 10 të Ligjit për Kundërvajtjet të pandehurës i ka shqiptuar masën e qortimit duke e arsyetuar se e pandehura çdo herë e ka përmbushur obligimin e saj për deklarin e pasurisë kurse këtë herë është vonuar, se nuk janë marr për bazë faktet relevante dhe rrethanat tjera të cilat kanë pasur ndikim të drejtpërdrejtë në kryerjen e kundërvajtjes ngase kjo vepër kërkon një përgjegjësi të lartë publike dhe se e pandehura këtë obligim ka mundur ta kryej edhe përmes e-mail-it kështu konsideron që gjykata e shkallës së parë nuk ka shqiptuar dënim të merituar por të njëjtin e ka zbutur në masë të madhe në kundërshtim me rregullat për zbutjen e dënimit nga neni 9 i Ligjit mbi Kundërvajtjet pa arsye të justifikueshme për një zbutje të këtillë të dënimit.

Kolegji vlerësoi thëniet në ankesën e paraqitur, aktvendimin e atakuar, deklarin e të pandehurës të dhënë në seancën e shqyrtimit pranë gjykatës së shkallës së parë më datë 19.10.2012 si dhe nga dëshmia e dëshmitares Valbona Zeqiri të dhënë më datë 24.10.2012, por duke u bazuar edhe në shkrësat tjera të lëndës, padyshim është vërtetuar gjendja faktike se e pandehura nuk e ka plotësuar formularin për deklarin e pasurisë në afatin ligjor por këtë e ka bërë me vonesë disa ditëshe gjegjësisht më 11.04.2012 d.m.th. para marrjes së aktvendimit gjegjësisht para fillimit të procedurës kundërvajtëse për çka me të drejtë i është shqiptuar masa e qortimit, kurse thëniet ankimore të ushtruesit të kërkesës se vendimi mbi dënimin është marr në vështrim të nenit 9 të LK-së, nuk janë të bazuara ngase gjykata e shkallës së parë me rastin e

03-4579/12/02
feng

2.

shqiptimit të dënimit të të pandehurës nuk e ka aplikuar nenin 9 të LK-së, por duke marr parasysh se e pandehura ka kryer kundërvajtje por nuk ka shkaktuar pasoja edhe me shqiptimin e qortimit do të arrihej qëllimi ndëshkimor që të ardhmen mos të kryej kundërvajtje të tilla apo të ngjashme, andaj ankesa e parashtruar nga Agjencia Kundër Korrupsionit është e pabazuar, ndërkaq aktvendimi i atakuar vërtetohet si i drejtë dhe i bazuar në Ligj.


Nga sa u tha më lartë në vështrim të nenit 220 të Ligjit mbi Kundërvajtjet u vendos si në dispozitiv.

Kundër këtij aktvendimi nuk është e lejuar ankesa.

GJYKATA E LARTË PËR KUNDËRVAJTJE NË PRISHTINË.

GJL.nr.1408/2012 të datës 12.12.2012.

SEK. JURIDIKE,
Zymrije Cunaku



KRYETARI I KOLEGJIT,
Dalip Bega